

XIX. ORCHIDIUM.

Cal. (*Spatha minima* diphylla.)

Perianthium nullum; germen florem sustinens.

Cor. *Petala* quinque, ovato-oblonga, acuta; tria exteriora, duo interiora, ferme æqualia, fursum conniventia in galeam.

Nectarium monophyllum intra divisuram petalorum ortum, infundibuliforme, tubo brevi, bilabiatum; *labio inferiore* lato, concavo, revoluto, margine integro undulato; *labio superiore* angusto, crasso, lineari, longitudine fere petalorum, cum illis reflexo, apice lato quadrifido.

Stam. *Filamenta* duo brevissima, pistillo insidentia; *antheræ* ovatæ compressæ, duplicatura biloculari labii superioris nectarii tectæ.

Pist. *Germen* parvum, cylindricum, rectum, infra receptaculum. *Stylus* labio superiori Nectarii adnatus, brevissimus. *Stigma* magnum, membraneum, infundibuliforme.

Per. *Capsula* ovata, unilocularis, trivalvis, angulis dehiscens.

Sem. numerosa, acerosa.

XX. SPONDYLOCOCCOS. vid. Catesb. Serp. 47.
(Hist. T. II. 47.)

Cal. *Perianthium* parvum, campanulatum, quadridentatum.

Cor. monopetala campaniformis, quadrifida, tubo brevi, laciniis subrotundis, patentibus.

Stam. *Filamenta* quatuor; corolla duplo longiora, erecta. *Antheræ* oblongæ, assurgentes, incumbentes.

Pist. *Germen* exiguum globosum. *Stylus* filiformis longitudine staminum. *Stigma* crassiusculum obtusum.

Per.